



## Aepa Gemae 6



Noa aginago vaya'ai apakimo hane'niye. Agaemo lole'e mago'e ve mafa'ne anaga'amo Semi'agi Hamu'agi Yafeti'agi hu'a mai'nae. Noa'a fatago vekamo Goti aulagale'mo mai'niya'mofe'mo vai'mo o'ali'niye.



Noa'a Goti ao vekamo mai'nige'ana magokepi lokaeli u'e'a hu'ana mai'na'ae. Mai'niya'monanafa muki vaya'mo Goti aulagale'mo hosu vaya'mo mai'ne'a kamemo huge vaya'mo hapaege

kaveta huge kava'moke'mo ma mopafi'mo havai te'nigeno age'niye.



Goti'a Noafe'mo ha paino'ae'mo, Nagaemo muki vaya'mo ali'na hano hu'na apatalegauve. Kamemo huge vaya'mo hapaege kaveta huge nehaya kava'moke'mo ma mopafi'mo havai te'niya'mofe'mo apakae'e ma mopa'e'mo ali'na hano hu'na patalegauve.




3

Kagaemo alagepa lokiya yosamo alika mago sipimo alo huvo. Kagaemo ina kava huka aeke anagiteka sipimo yu'ilaga'a'e malaga'a'e'mo kameleti'mo falegane.



4

Kagaemo ina kava huka ani sipimo alo huvo. Yatala'amo 130 mitagi alopa'amo 22 mitagi anaga



haisiya'alegamo 13 mitagi huka alo huvo.

5

Kagaemo muki alu ne'ya alu ne'ya'mo alika sipifi'mo malo. Lapakae'e muki yagagafamogi'e'mo nesaya ne'yafe'mo huve, huno ha pai'niye.




6

Kagaemo muki yagagafagi afugi kalagi huka ve'e a'e'mo lole lole huka apavalelika sipifi'mo uka haika apatesanage'a kagae'e'mo ofali'a afa'a maigae.




7

Kagaemo nage naulagale'mo ofalinimo namisayafe'mo muki alu afu alu afu anaga'afati'mo seveni'a kanale ve afugi seveni'a a afugi huka apavaletaka hosu afufati'e'mo ve afu'e a afu'e'mo apavalo.



8



Noa'agi a'agi ve  
mafa'ne anaga'agi a'ne  
anaga'apigi hu'a ani'mo  
he'niya kavapati'mo  
ofalisayafe'mo sipifi'mo u'a hai'nae.

9



Noa'a sigisi hataleti'a kafugamo  
mai'nigeno'ae'mo tu kaimo sevetini  
afina'mo mopamo aino akaka vae'nigeno  
alopa ani'mo mopamo afe'alumelagamo  
hane'niya ani'mo eno haine'niye.  
Koku'napati'mo alopa ko'mo aige aige huno  
mai'niye.

10




Alopa ko'mo foti'a feluga'e foti'a  
hani'ilaga'e'mo aige aige huno mai'niye.

11




Ani'mo'a mago'e huno malelino  
uno hai'nigeno'ae'mo sipimo ani  
ani'mo agotofule'mo hane'nenono  
uneno huno mai'niye.

12



Ani'mo'a mago'e mago'e huno malelino uno  
hai'niya'mofe'mo muki haopalega alopa avemo ago  
aeno ati kae'niye. Mopafi'mo mai'ne'apae'mo muki  
apavamusa'mo aige apavamusa'mo alige nehaya  
ya'amo ago fali'a hano hu'nae.

13



Goti'a Noafenagi muki sipifi lokae'a  
mai'naya afugi yagagafa'efenagi huno  
agesamo afi'niye. Goti'a yasimo alino  
ategeno anite'mo yasi ali'nigeno  
ani'mo alino laneme laneme uno  
lami'niye.

14

Foti'a  
afina'mo utegeno'ae'mo  
Noa'a sipifi'mo yasi ka'mo  
alo hu male'niya ka'mo  
alino yaki'niye. Noa'a  
ani'mo ago lane'nifi olane'nifi  
huno agesiyafe'mo mago  
kaugo'yavegana agufa  
namamo alino  
ate'nigeno halelino  
u'niye.



15

Inagi tu kaimo tuveti seveni afina'mo muki mopamo  
ago alagi alino hau huno atale'niye. Goti'a  
Noafe'mo ha paino'ae'mo, Kagaika'e  
aka'enagi mafa'ne anagaka'e  
a'ne anaga'api'enagi  
hutapa sipifati'mo  
ataletapa  
emiteyo.



16

Noa'a yafa hi'yalamu'mo maleteno ofalini hisiyafe'mo  
muki alagepa  
afufatinagi  
namafatinagi huno  
amagino yafa  
hi'yalamute'mo kaeno  
ofalinimo Gotina ami'niye.



17

Nagaemo  
kotalake'nimo  
lapakae'e muki  
afa'a ne'maiya  
yate'efe'mo hu  
male'nova kotalake'nimo  
alagena ya'amo muki


afinatefe'mo hu  
malegauve. Nagaemo  
kotalake'nimo muki ma  
mopafi mai'naya ya'e'mo  
hu malova kotalake'nimo  
alagena ya'mo hiyate'mo  
fugagi'na'mo malegauve.



18


Ina kava huno  
afole aigiye.  
Nagaemo hiya'mo  
ali'na afole ai'na  
atesugeno'ae'mo ani  
hiyate'mo fugagi'na'e'mo  
afole aisige'a agegae.

Nagaemo  
kotalake'nimo alagi  
nagesale hanegaiyango  
halate mago'e huno alopa  
ani'mo heteno muki afa'a  
ne'maiya ya'e vaya'e'mo  
alino hano huno  
o'apatalegaiye.



19

Goti'a ina kava huno  
Noa'agi ve mafa'ne anaga'agi huno  
alagepa hu'a maisayafe'mo alino  
auleno apateno'ae'mo,  
asole mafa'nemo alitapa  
apatesage'a ma mopafi'mo  
mai'a kili paeyo.



20

Noa mafa'ne  
 anaga'mo sipifati'mo emi'e'naya  
 mafa'ne anaga'ai apaki'apimo  
 Semi'agi Hamu'agi Yafeti'agi  
 hu'a emi'e'nae. Hamu'a Kenani  
 afo'amo'mae. Mani lole'e  
 mago'e mafa'ne anaga'mo  
 Noa mafa'nemo  
 mai'nage'a

apakaepati'mo  
 muki ma mopafi  
 vaya'mo ai'a atagu fae'nae.



21

Goti'a  
 ma mopafi  
 vaya'aife'mo lusi  
 kava huno hau ayamopafi'mo  
 au'niya'mofe'mo ani aiya magoke  
 mafa'ne'amo avaleno apami'niye. Ina  
 lagimo mafa'ne'ae'mo apakesamo  
 afi'a fatago nehisafige'a alagi  
 ofali'a alagepa hu'a maige  
 maige hu'a maisayafe'mo  
 avaleno  
 apami'niye.



22

Lomu 3:23

Na kava hu'nageno'aene. Muki vaya'mogimo hosu kava'mo  
 hute'a Goti ha le konali ya'amo u'a hai'a me  
 tale'naya'mofe'mo no'aliye.

Lomu 6:23

Na kava'mo nehageno'aene. Hosu kava'mo ali'ya'amo  
 ne'aliya vaya'ai miya'apimo falisaya kava'mo  
 hane'niya'monanafa Goti'a fikumo hapa maeno  
 ne'apamiya kava'mo alagepa hu'a maige maige hu'a  
 maisaya kava'mo hane'niye. Agaemo Ala kava netimo  
 Yesu Kalaisipi'mo ne'maiya vaya'mo ne'apamiye.

Himulu 9:27

Goti'a huno'ae'mo, muki vaya'mo magoke afina'mo  
 falitesage'na agoti hu'na apategauve, huno hu male'niye.

23

Efasasi 2:8,9 Goti'a fikumo lapa maeno lapamiteno'ae'mo  
 lapakesamo afita fatago hu'naya kavateti'mo lapakufamo  
 alino katino lapate'niye. Lapakaitapimo lapakesamo afita  
 fatago osu'nafa Goti'a fikumo lapa maeno lapami'nigetapa  
 lapakesamo afita fatago hu'nae. Goti'a vaya'mogimo  
 apaki'apile'mo ali'a asaga osisayafe'mo alagepa  
 kava'apileti'mo apakufamo alino katino no'apate.

Lomu 10:9,10 Kagaemo hukae'mo, Goti'a Yesu'mo  
 fali'niyateti'mo ago alino he tino ate'niye, huka kaipafi'mo  
 kagesamo afika fatago hutekae'mo, Yesu'a Ala kava netimo  
 mai'niye, huka kavayafati'mo aeka hakalo nehisanana Goti'a  
 kagufamo alino katino kategaiye, huta lapa nepaune. Ani  
 kavatefe'mo apaipafi'mo apakesamo afi'a fatago  
 nehageno'ae'mo Goti'a huno'ae'mo, naulagale'mo fatago  
 vaya'mo mai'nae, huno nehiye. Ani kava'mo huno Goti'a  
 apagufamo alino katino apatesiyafe'mo  
 apavayafati'mo ae'a hakalo hugae.

24

Yoni 3:16,17

Goti'a ma mopafi vaya'aife'mo lusi kava huno hau  
 ayamopafi'mo hau'niya'mofe'mo ani aiya magoke  
 mafa'ne'amo avaleno apami'niye. Ina lagimo  
 mafa'ne'ae'mo apakesamo afi'a fatago nehisafige'a alagi  
 ofali'a alagepa hu'a maige maige hu'a maisayafe'mo  
 avaleno apami'niye. Goti'a ma mopafi vaya'mo agoti huno  
 apateteno'ae'mo, hosu kava'mo hu'nae, huno hisiyafe'mo  
 mafa'ne'amo alino ate'nigeno emi'no'me'nifa apakufamo  
 alino katino apateteno hapau vaisiyafe'mo alino  
 ate'nigeno emine'niye.

25

1 Yoni 5:11-13

Goti'a ageteno ha maeno faigoko gemo aeno hakalo  
 huno'ae'mo, nagaemo maige maige hutapa ne'maiya ya'mo  
 lapami'nove, huno laha pai'niye. Ani maige maige hu'a  
 ne'maiya ya'mo mafa'ne'afi'mo mai'niye.  
 Goti Mafa'ne'amo avale'a apaipafi'mo ate'naya vaya'mo  
 maige maige hu'a ne'maiya ya'mo ago ali'nae. Goti  
 Mafa'ne'amo avale'a apaipafi'mo o'ate'nisaya vaya'mo  
 maige maige hu'a ne'maiya ya'mo o'ali'nae.  
 Nagaemo mani gemo Goti Mafa'ne'amo agi'alefe'mo  
 lapakesamo afita fatago nehaya vaya'mogita hutapae'mo,  
 maige maige huta maisuna ya'mo ali'none, hutapa  
 afitetapa agesayafe'mo mani gemo avo'mo kae'nove.  
 Lapakaemo afitetapa lapakesamo afita fatago hume  
 hume visayafe'mo avo'mo kae'nove.

26

Aepa Gemae 6 - 10

Storyline by: Edward D. Hughes

Illustrated by: Byron Unger, Lazarus,  
and Alastair Paterson

Adapted by: M. Maillot, Tammy S.

Keyagana Bible (kyg) © 2013, Wycliffe Bible  
Translators, Inc. All rights reserved.

<https://www.bible.com/bible/1105/GEN.1.KYG2013>

©2026 Bible for Children, Inc.

[www.M1914.org](http://www.M1914.org)    [www.bibleforchildren.org](http://www.bibleforchildren.org)